

Եւ այսօր յորում ի վլանկա կանգնեալ կայաք՝
շարն ի շար և Բ Բ և Գ Գ ոգի գային ի պատերազ-
մէն: Նոքա որ ի տեղս կ'առնեն ԴՌ ըստակ և կու-
երթան ընդ նոսա վասն թի քաշելոյ՝ ի ժամանակ պա-
տերազմի անկեալ ի ծովն և լողալով զերծեալք յայն-
մանէ գային մերկ և գլխիբաց, բոկոտն և խեղաթիւր.
և զմնացեալ նաւքն թողեալ են անդ ԺԲ և ոմանք ԺԶ
ասացին:

Բշի (23 Յռնիս) առաւօտուս եկն վէզիրն որ ասի
Պօյնուէկրի, մտեալ ի թագաւորն և զնացեալ ի պա-
լատն: Կիրակի յէրէկի օրս զՂուժղափուի Ժէ մէյ-
խանայ կոտորեալ և աւիրեալ, պատճառելով թէ մէ-
ջիտին մօտ է. այս եղև ֆէթվայովն մուֆտին: Եւ
Մայիսի ամսուս զՊալըխպազարի մէյխանայքն վե-
րուցին հրամանաւ մուֆտին, զոր ի ժամանակի Մու-
րատ փաշային շինեցին. ի վաղուց կայր անդ եւ սա-
կաւ էր եւ ի նորին ժամանակն բազմացուցին¹⁾, եւ
հարկս տային բազում թագաւորին, և զսոսա որ վեր
առին, նա՛ յետ աւուրց զՂուժղափուի Ժէ և ԺԸ մէյ-
խանայ վերուցին: Եւ լու եղև աւուրքս թէ մուֆտին
ասեր թէ Ի քաղաքիս մէջն եկեղեցի կայ Հայոց, վասն
այն մեր բանն չի առաջնորդիր:

Դշի օրս (25 Յռնիս) էսիլի թուռն առեալ ի ժողո-
վըրդոցն մէկ քանի ոգի յաննշան արանցն, բերեալ ա-
ռաջի Մարտիրոս վարդապետին՝ խնդրել արձակել ի
կապանաց միջնորդութեամբ Նուրէ որդոյ Իպրահիմ
Չէլէպուռն, որ Բ շաբաթ ի վերայ բանիցս ընթանալով
թէ Տո՛ւք զփիլոնոս դոցա զի մի՛ երթեալ մի չար ծնու-
ցանեն, և յետ ժամանակի որպէս կամիք արարէք:
Եւ բազում բան եւ խօսք եղեալ եւ բազումք ասա-
ցին թէ Այդ է բարի: Եւ Մարտիրոս վարդապետն ևս

1) բազմեցուցին.